



Broj: 01-54/22
Vareš, 30.03. 2022. godine

Na osnovu člana 32. stav 2. stav 3. i stav 4. Zakona o pravobranilaštvu („Sl. novine ZE-DO kantona“ broj 12/13) i člana 22. Statuta Općine Vareš (prečišćeni tekst), broj: 01-162/12 od 11.09.2012.godine, Općinsko vijeće Vareš na 14. sjednici održanoj dana 30.03. 2022. godine, d o n o s i:

ODLUKU
o osnivanju Zajedničkog općinskog pravobranilaštva

Član 1.

Općinsko vijeće Vareš osniva Zajedničko općinsko pravobranilaštvo za općine Olovo i Vareš kao poseban organ koji svoju funkciju vrši u skladu s Ustavom, a na osnovu zakona, drugih propisa i općih akata, koji poduzima mjere i pravna sredstva radi pravne zaštite imovine i imovinskih interesa općina Olovo i Vareš.

Zajedničko pravobranilaštvo Olovo i Vareš nastaje spajanjem Općinskog pravobranilaštva Olovo i Općinskog pravobranilaštva Vareš.

Član 2.

Zajedničko općinsko pravobranilaštvo obavlja poslove iz svoje nadležnosti koje su utvrđene Zakonom o pravobranilaštvu ZDK („Sl. novine ZE-DO kantona“ broj 12/13).

Član 3.

Sjedište Zajedničkog općinskog pravobranilaštva je u Olovu, ulica Branilaca bb.

Član 4.

Zajedničko općinsko pravobranilaštvo ima pečat.

Pečat je okruglog oblika, prečnika 50 mm s tekstem sljedećeg sadržaja:

Bosna i Hercegovina, Federacija Bosne i Hercegovine, Zeničko-dobojski kanton,
Zajedničko općinsko pravobranilaštvo Olovo i Vareš.

Član 5.

Zajedničko općinsko pravobranilaštvo počet će s radom od 01.04.2022. godine.

Danom početka rada Zajedničkog pravobranilaštva općina Olovo i Vareš, prestaje sa radom Općinsko pravobranilaštvo Vareš.

Općinsko pravobranilaštvo Vareš će nastaviti sa radom danom donošenja odluke kojom se gasi Zajedničko pravobranilaštvo općina Olovo i Vareš.

Član 6.

Funkciju Zajedničkog općinskog pravobranilaštva vrši jedan zajednički općinski pravobranilac ili njegov zamjenik.

Zajedničko općinsko pravobranilaštvo će imati jednog zamjenika.

Član 7.

Zajedničko općinsko pravobranilaštvo će preuzeti zaposlenike u Općinskom pravobranilaštvu Olovo, pa će poslove zamjenika pravobranioca u Zajedničkom pravobranilaštvu obavljati Harisa Bojić-Begić, Zamjenik općinskog pravobranioca, imenovana Rješenjem Općinskog vijeća Olovo broj 01-01-3-2908/15 od 30.12.2015. godine u Pravobranilaštvo Olovo.

U slučaju upražnjenja pozicije pravobranioca/zamjenika pravobranioca u Zajedničkom pravobranilaštvu, imenovanje će se izvršiti u skladu sa Zakonom o pravobranilaštvu ZDK i Zakonom o ministarskim, vladinim i drugim imenovanjima Federacije BiH („Sl. novine FBiH“ broj 12/3 i 34/03).

Imenovanje i zapošljavanje službenika u Zajedničkom općinskom pravobranilaštvu će se vršiti uz saglasnost obje općine.

Član 8.

Općinska vijeća općina Olovo i Vareš utvrđuju iznos potrebnih budžetskih sredstava za rad Zajedničkog pravobranilaštva.

Plaća koja je utvrđena za pravobranioca i zamjenika pravobranioca u Općini Olovo će se primjenjivati i na Zajedničko pravobranilaštvo Olovo i Vareš.

Visina sredstava s kojima će svaka općina sudjelovati u finansiranju bruto plaće i naknada pravobranioca i zamjenika dijeli se u jednakom omjeru: 50%-50%, a svaka općina će snositi materijalne troškove zavisno od utroška.

Zaposlenicima u Zajedničkom pravobranilaštvu pripada pravo na uvećanje osnovne plaće-stimulacije na ime obavljanja poslova pravobranilaštva za dvije općine.

Obaveze iz stava 1., 2., 3. i 4. ovog člana će se pobliže urediti pismenim sporazumom između općinskih načelnika.

Član 9.

Unutrašnju organizaciju Zajedničkog općinskog pravobranilaštva utvrdit će Zajednički pravobranilac ili zamjenik Pravilnikom o unutrašnjoj organizaciji Zajedničkog pravobranilaštva, uz prethodnu saglasnost načelnika općina Olovo i Vareš, u roku od 30 dana od dana početka rada Zajedničkog pravobranilaštva i zajedničkog pravobranioca.

Član 10.

Na radne odnose službenika i namještenika Zajedničkog općinskog pravobranilaštva primjenjuju se: Zakon o pravobranilaštvu Zeničko-dobojskog kantona, Zakon o državnoj službi Federacije BiH, Zakon o namještenicima Federacije Bosne i Hercegovine i drugi propisi o radu i radnim odnosima.

Član 11.

Ova odluka stupa na snagu 01.04.2022. godine i bit će objavljena na Oglasnoj tabli Općine Vareš.

**PREDSJEDAVAJUĆA
OPĆINSKOG VIJEĆA**

Mahira Brkić

Odluka objavljena na Oglasnoj tabli Općine Vareš dana 31.03. 2022.godine.

OPĆINSKI NAČELNIK

Zdravko Marošević

O b r a z l o ž e n j e

Odluke o osnivanju Zajedničkog općinskog pravobranilaštva

1. Pravni osnov

Pravni osnov za donošenje Odluke o osnivanju Zajedničkog općinskog pravobranilaštva sadržan je u odredbama člana 32. Zakona o pravobranilaštvu Zeničko-dobojskog kantona, gdje je u stavu 3. propisano da dva ili više općinskih vijeća mogu odlukama osnovati zajedničko pravobranilaštvo, te stav 4. gdje je propisano da se takvom Odlukom posebno utvrđuje: sjedište pravobranilaštva, način osiguranja sredstava za njegov rad, broj zamjenika općinskog pravobranioca i dan početka rada.

2. Razlozi za donošenje

Na inicijativu načelnika općine Vareš, a obzirom da Općina Vareš već duži vremenski period nema riješeno pitanje zaposlenika u Općinskom pravobranilaštvu Vareš- pravobranioc ili zamjenik pravobranioca, predlaže se donošenje ove odluke.

Općina Vareš se nalazi pred velikim investicionim projektima (rudnik), kao i neriješenim predmetima koji su u nadležnosti Općinskog pravobranilaštva, te se ukazala potreba za hitno rješavanje problema pravobranioca/zamjenika u Općini Vareš.

Općina Olovo u pravobranilaštvu ima zaposlenog zamjenika pravobranioca, a što zadovoljava i potrebe Općine Vareš.

Općina Vareš je imala pozitivna iskustva u saradnji u vođenju Zajedničkog općinskog pravobranilaštva za općine Vareš i Olovo (period od 2008 - 2011. godine,) pa se Vijeću na usvajanje predlaže ova odluka. Pored toga, osnivanjem Zajedničkog pravobranilaštva, smanjuju se i sredstva koja je neophodno izdvojiti iz Budžeta na ime finansiranja sredstava za rad pravobranilaštva.

Zajedničko pravobranilaštvo će preuzeti zaposlenike Općinskog pravobranilaštva Olovo, odnosno Zamjenika pravobranioca Općine Olovo kao jedinog zaposlenika.

U slučaju prestanka saradnje između Općina Olovo i Vareš, sa radom bi nastavilo Općinsko pravobranilaštvo Vareš.

3. Finansijska sredstva

Za realizaciju ove Odluke sredstva će biti obezbjeđena iz Budžeta općine Olovo, dio sredstava, 50% troškova plaće i naknada te stimulacije, će se refundirati iz Budžeta općine Vareš.

Predlažem da Općinsko vijeće Vareš usvoji ovu Odluku u navedenom tekstu.

PREDLAGAČ:
OPĆINSKI NAČELNIK

Zdravko Marošević